



UROLA KOSTAKO UDAL ELKARTEA

**EKINTZAILETASUNA BULTZATZEKO, ENPLEGUA SORTZEKO ETA ENPRESEN LEHIAKORTASUNA
HOBETZEKO (INBERTSIOAK ETA LANKIDETZA EGITASMOAK)
DIRU-LAGUNTZAK EMATEKO OINARRIAK**

Espediente kodea 2017IDOO0001

ATARIKO ATALA: OINARRI OROKORRAK

1. artikulua. Diru-laguntza deialdiaren nondik norakoak.

Urola Kostako Udal Elkarteak eskualdeko garapen sozioekonomikoa sustatzea dute xede. Xede hori lortze aldera, bada, honako esparru hauek hartzen ditu langai: enplegua lortzeko pertsonen aukerak hobetzea, enpresak sortzen laguntzea, lehiakortasuna hobetzea eta lekuan lekuko proiektu estrategikoak sustatzea.

Egiteko hori aintzat hartuta, diru-laguntza deialdi honen helburua hirukoitza da: alde batetik, enpresei laguntzea lehiakortasuna hobetzen; beste alde bestetik, enplegurako politika aktiboak indartu eta lan munduan sartzeko ibilbidean dauden pertsoneri laguntzea, eta azkenik, eskualdeko lankidetzak proiektuak bultzatzeko egitasmoak bultzatzea.

2. artikulua. Deialdiaren objektua.

Horrenbestez, oinarri hauen helburua da Urola Kostako Udal Elkarteak, bere eskumenen baitan, ekintzailatza, enpleguaren sorrera eta enpresen lehiakortasuna (inbertsioak eta, hezkuntza zentro eta enpresen arteko lankidetzak) sustatzeko asmoz egin duen diru-laguntza deialdia arautzea.

Programa honen bidez, lau lerro hauetako jardueretarako laguntzak emango dira:

- Jarduera ekonomiko edo proiektu berrien sustapena: jarduera ekonomikoaren ideia landu eta enpresa sortzeko laguntzak (ikus I. diru-laguntza lerroa).
- Enpleguaren sustapena: prestakuntza ondorengo kontrataziorako laguntzak (ikus II. diru-laguntza lerroa).
- Inbertsioetarako laguntzak (ikus III. diru-laguntza lerroa).
- Erdi edota goi mailako hezkuntza zentro eta enpresen arteko lankidetzak egitasmoetarako laguntzak (ikus IV. diru-laguntza lerroa).

Atariko atal honetan daude zehaztuta deialdi honek arautzen dituen lau diru-laguntza lerroen oinarri orokorrak. Diru-laguntza-lerro bakoitzari dagozkion oinarri zehatzak diru-laguntza lerro bakoitzaren atalean daude zehaztuta.

3. artikulua. Eremua.

Laguntza hauek Udal Elkarteak osatzen duten udalerrietako, hau da, Aia, Getaria, Oriu, Zarautz eta Zumaiako (hemendik aurrera eskualdeko) pertsona, erdi edo goi mailako hezkuntza zentro, enpresa eta ekintzaileentzat dira.



Nolanahi ere den, laugarren lan lerroko egitasmoen (“lankidetzak egitasmoak”) diru-laguntzetara aurkez daitezke, bazkide gisa, eskualdekoak ez diren enpresa edota erdi edo goi mailako hezkuntza zentroak, betiere, lankidetzak egitasmoa garatuko badute eskualdekoa den enpresa edo erakunderen batekin elkarlanean.

Diru-laguntza deialdira aurkezten diren pertsona, erdi edo goi mailako hezkuntza zentro, enpresa nahiz ekintzaileek zorrotz bete beharko dute indarrean dagoen ekonomia, zerga eta lan arloko araubidea.

4. artikulua. Diruz lagundutako jarduera eta inbertsioen epealdia.

Diruz lagunduko dira oinarri hauen 2. artikuluan zehaztutako jarduerak (enpresa sortzea, prestakuntza ondorengo kontratazioa eta lankidetzak proiektuak) eta inbertsioak, 2017an zehar gauzatzen direnak.

5. artikulua. Aurrekontu-kreditua.

Oinarri hauetan aurreikusitako diru-laguntzen zenbatekoa, gehienez ere, 230.000,00 eurokoa da, eta Urola kostako Udal Elkartearen aurrekontuko 1 03.471.01.433.00 partidatik ordainduko da.

Deialdi honetarako aurreikusitako zenbatekoa honela banatuko da diru-laguntza lerroen arabera:

Diru-laguntza lerroa		Zenbatekoa
1	Jarduera ekonomikoak sortzeko diru-laguntzak	60.000,00
2	Enpleguaren sustapena: prestakuntza ondorengo kontratazioetarako diru-laguntzak	90.000,00
3	Inbertsioetarako diru-laguntzak	50.000,00
4	Lankidetzarako diru-laguntzak	30.000,00
	Guztira	230.000,00

Diru-laguntza lerro batean aurreikusitako kredituak diru-laguntza bidez agortzen ez badira edo diru-laguntza ematea onartu ondoren bertan behera geratzen bada (uko egin zaiolako edo baldintzak bete ez direlako), soberakina beste lerroetara pasako da, hurrenkera honetan: lehendabizi jarduera ekonomikoak sortzeko diru-laguntza lerroa; ondoren, prestakuntza ondorengo kontratazioetarako diru-laguntza lerroa; gero, inbertsioetarako diru-laguntza lerroa; eta, azkenik, lankidetzak egitasmoetarako diru-laguntza lerroa.

Halaber, deialdira aurkezten diren eskabideekin diru-laguntza hauetarako kreditua agortzen ez bada, bigarren deialdi bat egin ahal izango da. Deialdi horrek lehen deialdi honen oinarri berberak izango ditu, eskabideak aurkezteko epeari dagozkion oinarriak izan ezik. Bigarren deialdi hori iragarriko da Urola Kostako Udal Elkartearen webgunean eta komunikabideen bidez.

6. artikulua. Deialdiaren iragarpena.

Deialdi hau eta oinarriak argitaratu eta iragarriko dira Gipuzkoako Aldizkari Ofizialean eta Urola Kostako Udal Elkartearen webgunean (<http://www.urolakosta.eus/eu/dirulaguntzak>).



Era berean, diru-laguntza eskabidea egiteko ereduak eta zuriketak egiteko eranskinak Urola Kostako Udal Elkartearen webgunean argitaratuko dira.

7. artikulua. Eskabideen balorazioa eta lehiaketa.

Oinarri hauetan aurreikusitako diru-laguntzak **lehiaketa** bidez emango dira. Eskabideen balorazioa egingo da diru-laguntza lerro bakoitzaren oinarri zehatzetan ezarritako irizpideen arabera.

Eskabideen balorazioan berdinketarik gertatzen bada, eskabideen Sarrera Erregistroko hurrenkera hartuko da kontuan.

8. artikulua. Eskabideak aurkeztea eta izapidetzea.

Eskaerak aurkeztu behar dira Urola Kostako Udal Elkartearen Erregistro Orokorrean (Urdaneta bidea 6, 20800 Zarautz) edo, nahi izanez gero, bide telematikoak erabiliz (Udal Elkartearen egoitza elektronikoa, www.urolakosta.eus).

Eskabideak aurkezteko epea hasiko da diru-laguntzen deialdia Gipuzkoako Aldizkari Ofizialean argitaratu eta hurrengo egunean eta **amaituko da 2017ko irailaren 30ean**, II. lerroko diru-laguntzen kasuan izan ezik, izan ere, II. diru-laguntza lerroko eskabideak aurkezteko epea hasiko da 2017ko azaroaren 15ean eta amaitu **abenduaren 29an**.

Diru-laguntza lerro bakoitzaren atalean dago zehaztuta aurkeztu behar diren dokumentuen zerrenda. Nolanahi ere den, Urola Kostako Udal Elkarteak eta Balorazio Mahaiak beharrezko jotzen dituzten dokumentu osagarriak eskatu ahal izango dizkiete eskatzaile nahiz onuradunei diru-laguntzak onartu, zuritu edota ordaintzeko izapideetan.

9. artikulua. Dokumentuak konpultsatzea.

Eskaerarekin batera aurkeztu behar diren jatorrizko dokumentuen kopia konpultsatuak egingo dira Urola Kostako Udal Elkartearen sarrera erregistroan (Urdaneta bidea 6, Zarautz). Horretarako, jatorrizko dokumentuarekin batera kopia aurkeztuko da.

Eskabidea bide telematikoaren bidez aurkezten bada, aurkeztu beharko dira dagokion erakundeak egindako dokumentu elektronikoak. Nolanahi ere den, eskatzaileak paper dokumentuaren kopia eskaneatua ere aurkeztu ahal izango du, baina kasu horretan Urola Kostako Udal Elkarteak jatorrizko paper dokumentua aurkezteko eskatu ahal izango dio, espedientea izapidetzeko edozein unetan.

10. artikulua. Datuak egiaztatzea.

Urola Kostako Udal Elkarteak, eskatzaileak dokumenturik aurkeztu beharrik izan gabe, zuzenean egiaztatuko ditu, dagokion administrazio publikoarekin harremanetan jarrita, ondoko datuak: eskatzailearen errolda datuak, udaleko zerga betebeharren egoera, Gizarte Segurantzako betebeharren egoera, jarduera ekonomikoaren alta egoera eta Foru Ogasuneko betebeharren egoera.

Datu horiek zuzenean egiaztatzea ezinezkoa baldin bada, arazo edo gorabehera teknikoengatik edo bestelakoengatik, Udal Elkarteak eskatzaile edo onuradunari datu horien ziurtagiriak aurkezteko eskatuko dio.



11. Datuan tratamendua.

Abenduaren 13ko 15/1999 Lege Organikoak, Izaera Pertsonaleko Datuak Babesteari buruzkoak, arautzen duena betetzeko, Urola Kostako Udal Elkarteak deialdi honen bidez eskuratzen dituen datu pertsonalak txertatuko ditu “prestakuntza eta enplegu programak” eta “eskualdeko enpresak” izeneko fitxategietan. Fitxategi horiek arautzen ditu Udal Elkarteko Zuzendaritza Batzordearen 2010eko otsailaren 4ko akordioak (Urola Kostako Udal Elkartearen datu pertsonalen fitxategiak arautzeko akordioak).

Horrez gain, pertsona interesdunek datuak eskuratu, zuzendu, ezeztatu eta haien aurka egiteko eskubideak erabili ahal izango dituzte, honako helbidera idatzia bidalita: Urola kostako Udal Elkarte, Urdaneta bidea 6, 20800 Zarautz.

12. artikulua. Balorazio Batzordea, diru-laguntzen proposamena eta ebazpena.

Balorazio Batzorde bat eratuko da diru-laguntza eskaerak baloratu eta diru-laguntzen proposamena egiteko. Balorazio Batzordea kide anitzeko organoa izango da eta kideak Urola Kostako Udal Elkarteak izendatuko ditu. Balorazio Batzordea honako hauek osatuko dute:

Batzordeburu: Udal Elkarteko lehendakaria.

Batzordekide:

- Udal Elkarteko Prestakuntza eta Enpleguko arduraduna.
- Udal Elkarteko Enpresa Sustapeneko arduraduna.
- Udal Elkarteko Enpresentzako Zerbitzuetako teknikari bat.
- Udal Elkarteko Euskara eta Komunikazio arduraduna.
- Udal Elkarteko Zuzendaritza Batzordeko bi kide.

Idazkari: Udal Elkarteko idazkaria.

Diru-laguntzak ebaztea, zuriaketak onartzea eta ordainketak agintzea Urola Kostako Udal Elkarteko lehendakariaren eskumena izango da.

13. artikulua. Bateriaezintasunak.

Diru-laguntza lerro bakoitzaren oinarri zehatzetan daude zehaztuta diru-laguntza hauen bateraezintasunak.

14. artikulua. Diru-laguntzak ordaintzea.

Oinarri hauetan jasotako diru-laguntzen ordainketa eta zuriaketak egingo dira diru-laguntza lerro bakoitzaren oinarri zehatzetan zehaztutako moduan.

Diru-laguntzak ordainduko dira banku transferentzia bidez. Ordainketak egingo dira eskatzaileak eskabidean adierazitako kontu zenbakira, 30 eguneko epearen barruan, ordainketa bakoitza egitea onartzen den egunetik kontatzen hasita.



15. artikulua. Oinarriak ez betetzea.

Onuradunak oinarri hauetan ezarritako edozein baldintza ez betetzeak diru-laguntza jasotzeko eskubidea galtzea ekarriko du. Ordurako diru-laguntzaren zati bat jasota egonez gero, onuradunak itzuli egin beharko du eta dagozkion atzerapen interesak eskatu ahal izango zaizkio.

16. artikulua. Oinarriak interpretatzea.

Diru-laguntzak kudeatzeko izapideetan sortzen diren gorabeherak interpretatu eta dagokiona erabakitzeko eskumena Urola Kostako Udal Elkarteko lehendakariari dagokio. Nolanahi ere den, gorabeheraren izaera kontuan hartuta, Lehendakaritzak Balorazio Batzordearen iritzia jasoko du.

17. artikulua. Araudi aplikagarria.

Deialdi honetan aurreikusi ez den orotan honako araubidea aplikatuko da: azaroaren 17ko 38/2003 Lege Orokorra, diru-laguntzei buruzkoa (azaroaren 18ko Estatuko Aldizkari Ofiziala) eta lege hori garatzen duen Erregelamendua, uztailaren 21eko 887/2006 Errege Dekretuaren bidez onartua (uztailaren 25eko Estatuko Aldizkari Ofiziala).

18. artikulua. Errekurtsoak.

Deialdi honen aurka berraztertzeko errekurtsua aurkeztu ahal izango da, hilabeteko epean, deialdia onartu duen organo eskudunaren aurrean, edo zuzenean aurka egin ahal izango zaio, bi hilabeteko epean, Administrazioarekiko Auzien Epaitegian. Epea, bi kasuetan, hasiko da kontatzen deialdi hau argitaratu eta biharamunetik aurrera.

Diru-laguntza emateko ebazpenaren eta zuriketak onartzeko eta ordainketak egiteko ebazpenen aurkako berraztertzeko errekurtsuak Urola Kostako Udal Elkarteko Lehendakaritzari aurkeztuko zaizkio.



OINARRI ZEHATZAK

I. DIRU-LAGUNTZA LERROA

JARDUERA EKONOMIKO BERRIEN SUSTAPENA

19. artikulua. Xedea.

Lerro honetako laguntzen xedea da Udal Elkartearen osatzen duten udalerrietan (Aia, Getaria, Orio, Zarautz eta Zumaia) jarduera ekonomiko berriak (enpresa berriak) sortzea. Diru-laguntza hauek itzuli beharrik gabekoak dira.

20. artikulua. Onuradunak.

Laguntzen onuradunak izango dira honako baldintza hauek betetzen dituzten pertsona fisiko nahiz juridikoak:

- Jarduera ekonomiko berria Jarduera Ekonomikoen gaineko Zergan eta Gizarte Segurantzaren dagokion Erregimenean eman beharreko alta Udal Elkartearen osatzen duten udalerriren batean ematea (Aia, Getaria, Orio, Zarautz, Zumaia).
- Jarduera Ekonomikoen gaineko Zergaren hasierako alta 2017an egitea.
- Diru-laguntza publikoak lortzeko aukeretatik baztertuta ez egotea.


Laguntza hauek lortzerik ez dute izango ondokoak:

- Jarduera ekonomiko berria abian jarri aurreko 24 hilabeteetan jarduera berean edo berdintsuan titular moduan, bakarka nahiz sozietatean, jardundako sustatzaileen enpresek.
- Aurreko 18 hilabeteetan lokal berean eta jarduera berean aritu diren enpresetako lehen mailako ahaideek, titularitate aldaketaren ondorioz sortutako enpresak direnean. Hala ere, justifikatutako arrazoiak baldin badaude (adibidez erretiroa, ezgaitasuna, titularraren heriotza edota ezinbesteko arrazoiak), lehen mailako ahaideen arteko titularitate aldaketen ondorio diren jarduera berri edo enpresek ere aukera izango dute diru-laguntza jasotzeko.
- Partaidetza publikoa duten enpresek.

21. artikulua. Onuradunen betebeharrak.

Onuradunen betebeharrak dira:

- Jarduera ekonomikoari eustea gutxienez 10 hilabetez, Jarduera Ekonomikoen gaineko Zergan alta ematen denetik hasita.
- Foru Ogasuneko, Gizarte Segurantzako eta jarduera ekonomikoaren udaleko zerga betebeharrak egunean ordainduta edukitzea.
- Jarduera ekonomikoa sortu bada diru-laguntzen deialdi hau argitaratu aurretik (betiere 2017-01-01etik aurrera), jarduera ekonomikoaren epe ertaineko bideragarritasuna egiaztatzea.
- Jarduera ekonomikoa hasiko bada diru-laguntzen deialdi hau argitaratu ondoren (betiere 2017-12-31 baino lehen), diru-laguntza ematea onartu ondoren jarduera ekonomikoaren bideragarritasun plana egitea Urola Kostako Udal Elkartearen Enpresa Sustapeneko Zerbitzuarekin eta zerbitzu horren oniritzia jasotzea.



22. artikulua. Diru-laguntzaren zenbatekoa.

Diru-laguntzaren kopurua honela kalkulatu da: onartzen diren eskabideen **diru-laguntzaren oinarria 1.000,00 eurokoa** izango da. Kopuru horri gehituko zaizkio taulan agertzen diren kopuruak, sustatzaileen eta jarduera proiektuaren ezaugarrien arabera:

	Oinarriari € gehitu
Sustatzaileen edo bazkideen erdia, gutxienez, emakumeak izatea	100 €
Sustatzaileen edo bazkideen erdia, gutxienez, >=25 eta <45 urte izatea	100 €
Sustatzaileen edo bazkideen erdia, gutxienez, >=45 urte izatea	200 €
Sortutako jarduera izatea hauetako sektore batekoa: lehen sektorea, jarduera ekonomiko industrialak eta hirugarren sektoreko jarduera hauek: itsasoa eta sormen industriak (R eranskinaren arabera)	200 €

23. artikulua. Balorazio irizpideak.

Atal honetako diru-laguntzak lehiaketa bidez emango dira. Eskabideen balorazioa egingo da irizpide hauen arabera:

	Puntuak
Sortutako jarduera izatea hauetako sektore batekoa: lehen sektorea, jarduera ekonomiko industrialak eta hirugarren sektoreko jarduera hauek: itsasoa eta sormen industriak.	10
Sustatzaileen edo bazkideen erdia, gutxienez, emakumeak izatea	10
Sustatzaileen edo bazkideen erdia, gutxienez, Urola Kostako herriren batean erroldatuta egotea, gutxienez urte 1 (deialdia argitaratzen den egunetik atzera kontatuta)	5
Egitasmoa epe ertainean bideragarria izan daitekeela egiaztatzea	10

Eskabideen balorazioan berdinketarik gertatzen bada, eskabideen Sarrera Erregistroko hurrenkera hartuko da kontuan.

24. artikulua. Eskabidea aurkezteko data baino lehen sortutako jarduera ekonomikoak (betiere, 2017-01-01etik aurrera): eskabidea, zuriketa eta ordainketak.

Ondoren daude zehaztuta eskatzaile horiek eskabidea egiteko aurkeztu behar dituzten dokumentuak, eta diru-laguntza jasotzeko eta zuriketarako egiteko modu eta epeak.

24.1. Diru-laguntza eskatzeko honako dokumentuak aurkeztu behar dira:



- a) Eskabidea: A eranskina eta B eranskina.
- b) IFKren fotokopia konpultsatua.
- c) Eskatzaile(ar)en edo ordezkari(ar)en NANren fotokopia konpultsatua.
- d) Jarduera ekonomikoaren emaitzen kontua eta balantzea (kontabilitateko plan orokorraren arabera egina), eskabidea egiten duen unekoa.

24.2. Jardueraren bideragarritasuna. Diru-laguntza eskuratzeko beharrezkoa izango da jarduera ekonomikoaren edo egitasmoaren epe ertaineko bideragarritasuna egiaztatzea. Horrela egiten ez duten eskabideak baztertuta geratuko dira. Bideragarritasuna egiaztatzeko eskabidearekin batera aurkeztu beharko da une horretako jarduera ekonomikoaren balantzea eta emaitza kontua. Jardueraren bideragarritasuna Urola Kostako Udal Elkartearen Enpresa Sustapeneko Zerbitzuak baloratuko du eta, horrela baldin badagokio, onarpena emango dio.

24.3. Diru-laguntzen ordainketa eta zuriketak. Diru-laguntza ematea onartzen denean %50 ordainduko da. Gainerako %50 ordainduko da jarduerak 10 hilabete bete ondoren (altaren datatik kontatzen hasita), amaierako justifikazioa aurkeztu eta ontzat jotzen denean. Amaierako justifikazioa egiteko honako dokumentuak aurkeztuko dira:

- a) J eranskina.

25. artikulua. Eskabidea aurkeztu ondoren sortuko diren jarduera ekonomikoak (betiere, 2017-12-31 baino lehen): eskabidea, zuriketa eta ordainketak.

Ondoren daude zehaztuta eskatzaile horiek eskabidea egiteko aurkeztu behar dituzten dokumentuak, eta diru-laguntza jasotzeko eta zuriketak egiteko modu eta epeak.

25.1. Diru-laguntza eskatzeko honako dokumentuak aurkeztu behar dira:

- a) Eskabidea: A eranskina eta C eranskina.
- b) Eskatzaile(ar)en edo ordezkari(ar)en NANren fotokopia konpultsatua.

25.2. Jarduera ekonomikoaren edo egitasmoaren bideragarritasuna. Diru-laguntza ematea onartzen zaien eskabideek beharrezkoa izango dute diru-laguntza onartu ondoren jarduera ekonomikoaren edo egitasmoaren epe ertaineko bideragarritasuna egiaztatzea, izan ere, bideragarritasuna behar bezala egiaztatzen ez badute onartutako diru-laguntza galdu egingo dute. Bideragarritasuna egiaztatzeko, ekintzaileek beren jarduera egitasmoaren bideragarritasun plana egingo dute Urola Kostako Udal Elkartearen Enpresa Sustapeneko Zerbitzuan. Zerbitzu horrek emango dio, horrela baldin badagokio, onarpena bideragarritasun planari. Zerbitzu horren onarpena ezinbesteko baldintza izango da diru-laguntza eskuratzeko. Bideragarritasun-plana ontzat jo ondoren, sortzear dauden jarduera horiek hilabete bateko epea izango dute jarduerari alta emateko izapideak egin eta egiaztagiria Udal Elkarteari aurkezteko. Jarduera berriari alta emango zaio, beranduenera, 2017ko abenduaren 31n.

25.3. Diru-laguntzen ordainketa eta zuriketak. Diru-laguntza ordainduko da 2 zatitan:

Jarduera ekonomikoa altan ematen denean diru-laguntzaren %50 ordainduko da. Altan eman dela egiaztatzeko, honako dokumentuak aurkeztu beharko dira:

- a) I eranskina.



- b) Alta emandako jardueraren IFKren fotokopia konpultsatua.

Gainerako %50 ordainduko da jarduerak 10 hilabete bete ondoren (altaren datatik kontatzen hasita), amaierako justifikazioa aurkeztu eta ontzat jotzen denean. Amaierako justifikazioa egiteko honako dokumentuak aurkeztuko dira:


- a) J eranskina.

26. artikulua. Gorabeherak jakinarazteko betebeharra.

Onuradunaren betebeharra da diruz lagundutako jardueraren (enpresa sortzearen) inguruko gorabeherak Urola Kostako Udal Elkarteari jakinaraztea, gertatu eta berehala, hala nola: diru-laguntza onartu eta bideragarritasun-plana egin ondoren jarduera ekonomikoa ez sortzea erabakitzea; bideragarritasun plana egin eta jarduera ekonomikoa sortzeko ezarritako epea betetzeko ezintasuna; diru-laguntzaren zenbatekoa finkatzeko baldintzaren baten aldaketa eta abar.

27. artikulua. Bateriaezintasunak.

Itzuli beharrik gabeko diru-laguntza hau **ez da bateragarria** helburu bererako beste erakunde publikoek emandako diru-laguntzekin.



II. DIRU-LAGUNTZA LERROA

ENPLEGUAREN SUSTAPENA: LANGABEAK KONTRATATZEKO DIRU-LAGUNTZAK

28. artikulua. Xedea.

Itzuli beharrik gabeko diru-laguntzak emango zaizkie eskualdeko enpresei Udal Elkarteak antolatutako “prestakuntza bonoen” programan parte hartzen (eta gainditzen) duten langabeak kontratatzeko.

Kontratazioetarako diru-laguntza hauen eskabideak egiteko epea hasiko da 2017ko azaroaren 15ean eta amaitu abenduaren 29an.

Hona hemen zertan datzan Prestakuntza Bonoen Programa:

Urola Kostako Udal Elkarteak gaur egun enpresek eta lan-merkatuak baloratzen eta eskatzen dituzten zeharkako gaitasun eta trebetasunak lantzeko 205 orduko prestakuntza-ikastaroa antolatu eta eskainiko du eskualdeko langabeentzat. Ikastaro horretan gaur egun enpresek eskatzen dituzten eta hain beharrezko diren berrikuntza-tresnak landuko dira, hala nola: zaintza teknologikoa, IKT 2.0, kudeaketa aurreratua eta gatazken kudeaketarako teknika berritzaileak. Ikastaro hori egin ahal izango dute eskualdeko langabeek eta doakoa izango da (lekurik baldin bada, lanean ari diren pertsonak ere egin ahal izango dute).

Prestakuntza-ikastaroa egin eta gainditzen duten pertsona langabeek (gainditzeko Udal Elkarteko teknikarien balorazio positiboa jaso beharko da) “Prestakuntza Bonoa” eskuratuko dute eta eskualdeko enpresa batean “erabili” ahal izango dute, beren kontratua gauzatzeko diru-laguntza lortzeko. Diru-laguntzaren azken onuraduna enpresa izango da.

Prestakuntza Bonoen programan parte hartzeko, ezinbesteko baldintza izango da, batetik, eskualdean erroldatuta egotea (Aia, Getaria, Orrio, Zarautz, Zumaia) eta, bestetik, ikastaroa egiteko unean nahiz kontratatzeko unean Lanbide-Euskal Enplegu Zerbitzuan enplegu eskatzaile gisa inskribatuta egotea, langabezia egoeran.

29. artikulua. Diruz lagundutako kontratuen ezaugarriak.

Diru-laguntza izango da “prestakuntza bonoa” eskuratu duen langabea kontratatzeko. Diruz lagundutako kontratua izango da gutxienez 6 hilabetekoa eta lanaldia osoa.

Jarduera berrien kasuan, ezingo da erabili laguntza-mota hau norbere burua kontratatzeko.

Diru-laguntza bakarra emango da enpresa bakoitzeko.

Diru-laguntza bidez egindako kontratazioak enplegu-sorrera garbia eragin behar du enpresan, hau da: diru-laguntzaren bidez kontratatutako pertsona laneratu den hilabete horretako enpresako langileen kopuruak izan behar du aurreko 3 hilabeteetan enpresak batez beste zuen langile kopurua baino handiagoa. Plantillaren batz bestekoa kalkulatzeko lanaldi osoak eta partzialak hartuko dira kontuan (azken horien kasuan lan egindako orduen proportzioan).



30. artikulua. Diru-laguntzen hartzaileak.

Diru-laguntza lerro honetako onuradun izango dira ondoko baldintza hauek betetzen dituzten enpresak:

1. Edozein forma juridikoko enpresa edo erakunde enplegatzailea izatea, egoitza (helbide soziala edo lantokia) eskualdean (Aia, Getaria, Orio, Zarautz, Zumaia) duena.
2. IAE-JEZn alta emanda egotea eta zerga horren betebeharrak egunean ordainduta izatea, betiere enpresaren jarduerak zerga hori ordaintzea eskatzen badu. Zerga ordaintzetik salbuetsita egonez gero, horrela adieraziko da zinpeko adierazpen bidez.
3. Foru Ogasuneko, Gizarte Segurantzako eta Udaleko zerga-betebeharrak egunean ordainduta edukitzea.
4. Administrazio edo erakunde publikoen edo txikitat hartzen ez diren enpresen menpeko ez izatea edo horiek %50 edo gehiagoko parte-hartzerik ez izatea
5. Diru-laguntza publikoak jasotzetik baztertuta ez egotea arau-haustek egiteagatik.
6. Diruz lagundutako kontratua egitea, beranduenera, 2018ko urtarrilaren 31n.
7. Diruz lagundutako lan-kontratuari aplikatzea enpresari dagokion lan-hitzarmena.

31. artikulua. Diru-laguntzaren zenbatekoa.

“Prestakuntza bonoa” eskuratu duen langabea kontratatzeko diru-laguntza izango da **3.000,00 eurokoa** (6 hilabeteko kontratua, lanaldi osoa).

Langileari hasieratik kontratu mugagabea egiten bazaio edota 6 hilabeteko epealdia amaitutakoan kontratua mugagabe bihurtzen bada, hasierako diru-laguntzari **beste 4.500,00 euro** gehituko zaizkio. Laguntza gehigarri hori ordainduko da diru-laguntzaren 6 hilabeteko epea amaitu eta handik lau hilabetera, kontratu mugagabeak indarrean jarraitzen duela egiaztatu ondoren.

32. Balorazio irizpideak

Atal honetako diru-laguntzak lehiaketa bidez emango dira. Enpresen eskabideen balorazioa egingo da irizpide hauen arabera:

Balorazio irizpideak	Puntuak
2015. urteaz geroztik Urola Kostako Udal Elkarteak antolatutako ekimen bat burutu izana, gutxienez	5 puntu
Ondorengo gaietakoren batean ziurtagiri homologatua edukitzea: ISO9001 Kalitate kudeaketa, ISO 14001 Ingurumen kudeaketa eta OSHAS prebentzioan ziurtagiria.	2 puntu
Ondorengo gaietako planak landuta edo indarrean edukitzea: Berdintasun plana; Euskara plana; Partaidetza (aholkularitza etxeek edo gaian eskarmentua duen barne pertsonalak landutakoak).	3 puntu

Eskabideen balorazioan berdinketarik gertatzen bada, eskabideen Sarrera Erregistroko hurrenkera hartuko da kontuan.



33. Eskabidea, zuriketa eta ordainketak.

33.1. Prestakuntza bonoa eskuratu duten langabeak kontratatzeko diru-laguntza eskabidea egiteko, honako dokumentuak aurkeztu behar dira:

- a) Eskabidea: A eranskina eta D eranskina
- b) Enpresaren IFKren fotokopia konpultsatua.
- c) Enpresako eskatzaile(ar)en edo ordezkari(ar)en NANaren fotokopia konpultsatua.
- d) ISO 9001 Kalitate kudeaketa, ISO 14001 Ingurumen kudeaketa eta OSHAS prebentzio ziurtagiri homologatua (baldin baditu; lehiaketan baloratzeko).
- e) Berdintasun, euskara edota partaidetza plana egin izana egiaztatzen duen zinpeko adierazpena N eranskineko eredia erabiliz (lehiaketan baloratzeko).

33.2. Zuriketa eta ordainketak. Diru-laguntza ordainduko da 2 zatitan:

Diru-laguntza eskuratzen duen enpresa onuradunari diru-laguntzaren %50 ordainduko zaio "prestakuntza bonoa" eskuratu duen pertsona langabea kontratatzen duenean. Kontratua egin izana egiaztatu eta lehen ordainketa egiteko honako dokumentuak aurkeztu behar dira:

- a) K eranskina. Kontratazioaren datuak/pertsonaren datuak.
- b) Lan-kontratuaren fotokopia konpultsatua.
- c) Gizarte Segurantzako alta-dokumentuaren fotokopia konpultsatua.
- d) Gizarte Segurantzako Diruzaintza Nagusiak egindako ziurtagirien kopiak:
 - ziurtagiri bat agertzen duena kontratatutako pertsona laneratu aurreko 3 hilabeteetako enpresaren batez besteko plantilla.
 - beste ziurtagiria agertzen duena kontratatutako pertsona laneratutako hilabeteko enpresaren batez besteko plantilla.

Gainerako %50 ordainduko zaio diruz lagundutako 6 hilabeteko epealdia amaitu, amaierako justifikazioa aurkeztu eta ontzat jotzen denean. Amaierako justifikazioa egiteko honako dokumentuak aurkeztuko dira:

- a) L eranskina.
- b) Diruz lagundutako kontratuaren epealdiko enpresaren TC1 eta TC2 dokumentuen kopiak.
- c) Diruz lagundutako kontratuaren nomen kopiak.

Kontratu mugagabeak: kontratua hasieratik mugagabea baldin bada edo 6. hilabeteen mugagabe bihurtzen bada, oinarrizko diru-laguntzari (3.000,00 euro) beste 4.500,00 euro gehituko zaizkio. Laguntza gehigarri hori ordainduko da diru-laguntzaren 6 hilabeteko epea amaitu eta handik lau hilabetera, kontratu mugagabeak indarrean jarraitzen duela egiaztatu ondoren. Horren justifikazioa egiteko honako dokumentuak aurkeztuko dira:

- a) M eranskina.
- b) Kontratu aldaketaren fotokopia konpultsatua (kontratua mugagabe bihurtu dela egiaztatzeko).



Diruz lagundutako lan-kontratua amaitzen bada deialdian adierazitako gutxieneko epea edo eskabidean adierazitako epea bete baino lehen, eskatzaileak diru-laguntza jasotzeko eskubidea galduko du, bi kasu hauetan izan ezik: kontratua langilearen borondatez eta erabakiz amaitzen denean edo enpresak kaleratzen duenean kausa objektiboetan oinarrituta. Kasu horietan diru-laguntzaren zenbatekoa murriztu egingo da lan-kontratua indarrean egon den epearen proportzioan eta, kasuan kasu, diru-laguntzaren zenbatekoa doitu eta dagozkion itzulketak egiteko prozedura bideratuko da. Bi kasu horietan enpresa onuradunak aukera izango du, nahi izanez gero, lanpostua utzi duen pertsonaren ordezkaldintza berberak betetzen dituen beste langabe bat kontratatu eta diru-laguntza osorik eskuratzeko.


Diruz lagundutako kontratuaren iraupen-epearen barruko gaixotasun arrunten nahiz lan-gaixotasunen ondorio diren bajak ez dira diruz lagunduko, betiere bajan dagoen langilea ordezkaltzen ez bada. Kasu horretan kontratazio epeak lagunduko dira soilik.

34. artikulua. Gorabeherak jakinarazteko betebeharra.

Onuradunaren betebeharra da diruz lagundutako kontratazioaren inguruko gorabeherak Urola Kostako Udal Elkarteari jakinaraztea, gertatu eta berehala, hala nola: diruz lagundutako kontratazioa ez egitea erabakitzea; kontratua diruz lagundutako epealdia amaitu aurretik amaitzea; ordezkoa kontratatzea; eta abar.

35. artikulua. Bateriaezintasunak.

Lerro honetako diru-laguntzak bateraezinak izango dira soilik Urola Kostako Udal Elkarteak oinarri hauetan zehaztu dituen beste diru-laguntza lerroekin: jarduera ekonomiko berriak sortzea (I. lerroa); inbertsioak (III. lerroa); eta, hezkuntza zentro eta enpresen lankidetzak proiektuak (IV. lerroa).



III. DIRU-LAGUNTZA LERROA

INBERTSIOETARAKO LAGUNTZAK

36. artikulua. Xedea.

Itzuli beharrik gabeko diru-laguntzak emango dira enpresaren jarduerarekin zerikusia duten inbertsioetarako. Inbertsioetat hartuko dira kontabilitateko plan orokorrean zehazten diren partidak.

Inbertsioak gutxienez 3.000,00 eurokoa izan behar du (BEZ kanpo). Eskaera izan daiteke inbertsio bakar batena edo urtean zehar egindako inbertsioen baturarena, baina, betiere, inbertsio gai bakoitza gutxienez 3.000,00 eurokoa baldin bada (hau da, batzen den inbertsio bakoitzaren kopuruak 3.000,00 eurokoa edo handiagoa izan behar du).

37. Balorazio irizpideak.

Atal honetako diru-laguntzak lehiaketa bidez emango dira. Eskabideen balorazioa egingo da irizpide hauen arabera:

Balorazio irizpideak	Puntuak
Inbertsioaren hornitzailea eskualdekoa izatea	10 puntu
2015. urteaz geroztik Urola Kostako Udal Elkarteak (UKUE) antolatutako ekimen bat burutu izana, gutxienez	5 puntu
Ondorengo gaietakoren batean ziurtagiri homologatua edukitzea: ISO9001 Kalitate kudeaketa, ISO 14001 Ingurumen kudeaketa eta OSHAS prebentzioan ziurtagiria.	2 puntu
Ondorengo gaietako planak landuta edo indarrean edukitzea: Berdintasun plana; Euskara plana; Partaidetza (aholkularitza etxeek edo gaian eskarmentua duen barne pertsonalak landutakoak).	2 puntu
Enpresa eskatzailea izatea hauetako sektore batekoa: itsas sektore edo industria sortzaileak. (R eranskinaren arabera)	5 puntu

Eskabideen balorazioan berdinketarik gertatzen bada, eskabideen Sarrera Erregistroko hurrenkera hartuko da kontuan.

38. artikulua. Diru-laguntzen onuradunak.

Diru-laguntza hauen onuradun izan daitezke baldintza hauek betetzen dituzten pertsona fisiko nahiz juridikoak:

- Jarduera Ekonomikoen gaineko Zergan alta emanda egotea.
- Lantokia Aia, Orio, Getaria, Zarautz edo Zumaiako udalerrietako batean edukitzea.
- Enpresa eskatzailea sortuta egotea 2016-07-01 baino lehen.
- Diru-laguntza gai diren inbertsioak 2017 ekitaldian egitea.



- Foru Ogasuneko, Gizarte Segurantzako eta Aia, Orio, Getaria, Zarautz eta Zumaiako Udaletako zerga ordainketak egunean ordainduta edukitzea.
- Laneko arriskuen prebentzioko 31/1995 Legeak eta, orobat, laneko arriskuak prebenitzeko araubideak eskatzen dituen plan eta neurriak ezarrita izatea.

39. artikulua. Diru-laguntzaren zenbatekoa.

Hona hemen diru-laguntza-lerro honetako laguntzen ezaugarriak:

- Ematen diren laguntzek itzuli beharrik gabeko diru-laguntza izaera izango dute.
- Diru-laguntzaren kopurua izango da, gehienez ere, inbertsioaren %30, betiere, gehienez, 2.000,00 euroko mugarekin (BEZ kanpo).
- Enpresa eskatzailea baldin bada itsas sektorekoa edo kultur eta sormen industriren sektorekoa, diru-laguntzaren zenbatekoa %5 handiagoa izango da (betiere, gehienez, 100,00 euroko gehigarria). Gehigarri hau aplikatuko zaie beren jarduera ekonomikoetako bati gutxienez R eranskinean zerrendatutako JEZko epigrafe bat baldin badagokio.
- Inbertsioaren hornitzailea eskualdeko lantoki bat baldin bada, diru-laguntzaren zenbatekoa %5 handiagoa izango da (betiere, gehienez, 100,00 euroko gehigarria).
- Eskaera izan daiteke inbertsio bakar batena edo urtean zehar egindako inbertsioen baturarena, betiere inbertsio gai bakoitza gutxienez 3.000,00 eurokoa bada (BEZ kanpo).
- Inbertsioetarako laguntza bakarra emango da enpresa bakoitzeko.

40. artikulua. Eskabidea aurkezteko data baino lehen egindako inbertsioak (betiere, 2017-01-01tik aurrera): eskabidea, zuriketa eta ordainketak.

Hona hemen eskabidea egiteko aurkeztu behar diren dokumentuak, eta diru-laguntza jasotzeko eta zuriketak egiteko modu eta epeak.

40.1. Diru-laguntza eskatzeko honako dokumentuak aurkeztu behar dira:

- a) Eskabidea: A eranskina eta E eranskina.
- b) IFKren fotokopia konpultsatua.
- c) Eskatzaile(ar)en edo ordezkari(ar)en NANaren fotokopia konpultsatua.
- d) IAE-JEZren alta-dokumentuaren kopia konpultsatua.
- e) Inbertsioaren faktura eta ordainketen (transferentzien egiaztagiriak edo gisa berekoak) kopia konpultsatuak. Inbertsioaren fakturak 2017ko data izan behar du. Urte amaieran egiten diren inbertsioen kasuan, amaierako zuriketa aurkeztu beharko da, beranduenera, 2018ko urtarrilaren 31 baino lehen.
- f) Laneko arriskuen prebentzioko 31/1995 Legea eta lege horren aldaketak betetzen direla egiaztatzeko zinpeko adierazpena N eranskineko eredia erabiliz (Prebentzioaren antolaketa).
- g) ISO 9001 Kalitate kudeaketa, ISO 14001 Ingurumen kudeaketa eta OSHAS prebentzio ziurtagiri homologatua (baldin baditu; lehiaketan baloratzeko).
- h) Berdintasun, euskara edota partaidetza plana egin izana egiaztatzen duen zinpeko adierazpena N eranskineko eredia erabiliz (lehiaketan baloratzeko).



40.2. Diru-laguntzen ordainketa eta zuriketak.

Diru-laguntza ordainduko da ordainketa bakarrean (%100), diru-laguntza ematea onartzen denean.

Eskabidean adierazitako inbertsioaren zenbatekoa eta zuriketan aurkeztutakoa bat ez baldin badatoz, zenbateko txikiena hartuko da kontuan.

41. artikulua. Eskabidea aurkeztu ondoren egindako inbertsioak (betiere, 2017-12-31 baino lehen): eskabidea, zuriketa eta ordainketak.

Hona hemen eskabidea egiteko aurkeztu behar diren dokumentuak, eta diru-laguntza jasotzeko eta zuriketak egiteko modu eta epeak.

41.1. Diru-laguntza eskatzeko honako dokumentuak aurkeztu behar dira:

- a) Eskabidea: A eranskina eta F eranskina.
- b) IFKren fotokopia konpultsatua.
- c) IAE-JEZren alta-dokumentuaren kopia konpultsatua.
- d) Eskatzaile(ar)en edo ordezkari(ar)en NANaren fotokopia konpultsatua.
- e) Inbertsioaren aurrekontua (inbertsioa eskualdean egin dela egiaztatzeko eta laguntzaren zenbatekoa kalkulatzeko).
- f) Laneko arriskuen prebentzioko 31/1995 Legea eta lege horren aldaketak betetzen direla egiaztatzeko zinpeko adierazpena N eranskineko eredua erabiliz (Prebentzioaren antolaketa).
- g) ISO 9001 Kalitate kudeaketa, ISO 14001 Ingurumen kudeaketa eta OSHAS prebentzio ziurtagiri homologatua (baldin baditu; lehiaketan baloratzeko).
- h) Berdintasun, euskara edota partaidetza plana egin izana egiaztatzen duen zinpeko adierazpena N eranskineko eredua erabiliz (lehiaketan baloratzeko).

41.2. Diru-laguntzen ordainketa eta zuriketak

Diru-laguntza ordainduko da ordainketa bakarrean (%100), diru-laguntza ematea onartu, inbertsioaren zuriketa aurkeztu eta ontzat eman ondoren.

Eskabidean adierazitako inbertsioaren zenbatekoa eta zuriketan aurkeztutakoa bat ez baldin badatoz, zenbateko txikiena hartuko da kontuan.

Inbertsioaren zuriketa egiteko honako dokumentuak aurkeztuko dira:

- a) O eranskina.
- b) Inbertsioaren faktura(k) eta ordainketen (transferentzien egiaztagiriak edo gisa berekoak) kopia konpultsatuak. Inbertsioaren fakturak 2017ko data izango du. Urte amaieran egiten diren inbertsioen kasuan, amaierako zuriketa aurkeztu beharko da, beranduenera, 2018ko urtarrilaren 31 baino lehen.



42. artikulua. Gorabeherak jakinarazteko betebeharra.

Onuradunaren betebeharra da diruz lagundutako jardueraren (inbertsioaren) inguruko gorabeherak Urola Kostako Udal Elkarteari jakinaraztea, gertatu eta berehala, hala nola: diruz lagundutako inbertsioa ez egitea erabakitzea; diru-laguntzaren zenbatekoa finkatzeko baldintzaren baten aldaketa eta abar.

43. artikulua. Bateriaezintasunak.

Diru-laguntza lerro honetako diru-laguntzak ez dira bateragarriak inbertsioetarako bestelako diru-laguntzekin.



IV. DIRU-LAGUNTZA LERROA

HEZKUNTZA ZENTROEK ETA ENPRESEK PROIEKTUAK ELKARLANEAN GARATZEKO LAGUNTZAK

44. artikulua. Xedea.


Itzuli beharrik gabeko diru-laguntzak emango dira eskualdeko hezkuntza zentroek eta enpresek lankidetzan garatutako proiektuetarako.

Diru-laguntza lerro honen helburua da Urola Kostako Udal Elkartearen eremuan enpresa-sarea eta goi mailako hezkuntza zentroak elkarrengana hurbilduko dituen espazio iraunkorra sortzea, ezagutza eta esperientziak partekatu eta, lankidetzan, egitasmo berritzaileak zehaztu eta garatzeko. Horrekin, eskualdeko enpresei lagundu nahi diegu hobetzen, produktu eta zerbitzu berriak sor ditzaten.

45. Balorazio irizpideak.

Atal honetako diru-laguntzak lehiaketa bidez emango dira. Eskabideen balorazioa egingo da irizpide hauen arabera:

Balorazio irizpideak	Puntuak
Proiektuan parte hartzen duten enpresa eta hezkuntza zentroa bazkide guztiak eskualdekoak izatea	10 puntu
Lankidetzan-egitasmoan parte hartuko duten bi partaide/bazkide gutxienez eskualdekoak izatea	5 puntu
Egitasmoaren balio erantsia honako lan-lerroetan kokatzea: <ul style="list-style-type: none">• Etorkizuneko balizko araudiei aurrea hartzea.• Merkatu berrietara bideratzeko estrategiak lantzea.• Produktu zerbitzu berriak garatzea.• Funtzio berriak txertatzea.• Bezeroen beharrei erantzun eta aurrea hartzea.• IKTak txertatzea.• Prozesuen eraginkortasuna hobetzeko garatutako sistematikak ezartzea (prozesu baten eraginkortasuna areagotzeko helburuz erabiltzen den eragiketa-multzo edo metodoa. Eragiketa-multzo horiek, prozesuaren aurretik, bitartean eta bukatutakoan jarraitu beharreko urratsen jarraibideak zehaztuko ditu).	3 puntu
Gai teknologiko berritzaileen erabilera: <ul style="list-style-type: none">• 4.0 Industriari lotutako egitasmoak.• Material adimentsuen erabilera: nanoteknologiaren erabilera.• Ekoizpen osagarrien teknologien erabilera: 3d erabilera.• Robotizazio prozesuak.	3 puntu
Ondorengo gaietako batean ziurtagiri homologatua edukitzea: ISO9001 Kalitate kudeaketa, ISO 14001 Ingurumen kudeaketa eta OSHAS prebentzioan ziurtagiria.	2 puntu
Ondorengo gaietako planak landuta edo indarrean edukitzea: Berdintasun plana; Euskara plana; Partaidetza (aholkularitza etxeek edo gaian eskarmentua duen barne pertsonalak landutakoak).	2 puntu



46. artikulua. Diru-laguntzen onuradunak.

Diru-laguntza hauen onuradun izan daitezke baldintza hauek betetzen dituzten pertsona fisiko nahiz juridikoak:

- Proiektua garatuko duen kide edo bazkideetako batek (enpresak edo hezkuntza zentroak) gutxienez, bere lantokia Aia, Orio, Getaria, Zarautz edo Zumaian izatea. Diru-laguntzaren eskabidea egingo du eskualdekoa den parte hartzaileak.
- Egitasmoan parte hartzen duten partaide guztiak Jarduera Ekonomikoen gaineko Zergan alta emanda egotea.
- Egitasmoan parte hartzen duten partaide guztiak Foru Ogasuneko, Gizarte Segurantzako eta Udaletako zerga ordainketak egunean ordainduta edukitzea.
- Egitasmoan parte hartzen duten partaide guztiak laneko arriskuaren prebentzioko 31/1995 Legeak eta, orobat, laneko arriskuak prebenitzeko araubideak eskatzen dituen plan eta neurriak ezarrita izatea.
- Diru-laguntza gai diren ekintzak 2017ko ekitaldian gauzatzea.

47. artikulua. Diru-laguntzaren zenbatekoa.

Hona hemen diru-laguntza-lerro honetako laguntzen ezaugarriak:

- Ematen diren diru-laguntzek itzuli beharrik gabeko diru-laguntza izaera izango dute.
- Diru-laguntza onartu eta ordainduko zaio proiektuan parte hartzen duen eta eskualdekoa den bazkide edo partaideari, eskabidean besterik adierazi ezean. Eskabidean zehaztu beharko da bazkide edo partehartzaile bakoitzak proiektuan duen parte hartzearen ehunekoa eta, nahi izanez gero, eskatu ahal izango da ordainketa ehuneko horien arabera egiteko.
- Diru-laguntzaren zenbatekoa izango da, gehienez ere, onartutako proiektuaren %40 eta, gehienez ere, 3.000,00 eurokoa (BEZ kanpo).
- Bazkide/partaide guztiak eskualdekoak baldin badira, diru-laguntzaren zenbatekoa izango da, gehienez ere, onartutako proiektuaren %80 eta, gehienez ere, 7.000,00 eurokoa (BEZ kanpo).
- Egitasmo baterako eskabide bakarra aurkeztu ahal izango da.
- Enpresa edota hezkuntza zentro batek egitasmo bat baino gehiago aurkeztu ahal izango ditu.

48. artikulua. Gastu hautagarriak

Diru-laguntza lerro honetan gastu hautagarritzat onartuko dira soilik honako gastuak:

- Proiektua garatu du(t)en hezkuntza zentroko pertsonaleko gastuak (betiere egitasmoaren parte hartu duten langileenak soilik).
- Egitasmoa bideratzeko beharrezko materialaren gastuak (material horien erosketa hezkuntza zentroak egin beharko du eta fakturaren kontzeptuan adieraziko da dena delako lankidetzaren egitasmoaren gastuak direla).

Hautagarriak diren gastuak soilik izango dira 2017ko urtarrilaren 1etik abenduaren 31rainokoak.

Ez dira onartuko honako gastuak:



- Gastu orokorrak, hala nola: eraikin eta instalazioen mantentze gastuak, klimatizazioa, argi indarra, ura, garbiketa, aseguru-primak, alokairuak, segurtasun sistemak, telefono eta komunikazio gastuak, kostu informatikoak...).
- Dietak.
- Bulego materiala (inprimagailuak eta kontsumigarriak).
- Egitasmoa bideratzeko azpi kontratazioak.

Oinarriotan zehaztu gabeko bestelako gastuak hautagarritzat hartu ala ez Udal Elkarteak erabakiko du.

49. artikulua. Diru laguntzaren eskabidea

Eskabidea aurkezteko honako dokumentuak aurkeztu behar dira:

- a) Eskabidea: A eranskina eta G eranskina (proiektuaren fitxa).
- b) Proiektuaren aurrekontua, H eranskineko eredia erabiliz.
- c) Egitasmoan parte hartuko duten partaide guztien (enpresak eta hezkuntza zentroek) honako dokumentuak:
 - IFKren fotokopia konpultsatua
 - IAE-JEZren alta-dokumentuaren kopia konpultsatua
 - Laneko arriskuen prebentzioko 31/1995 Legea eta lege horren aldaketak betetzen direla egiaztatzeke zinpeko adierazpena O eranskineko eredia erabiliz (Prebentzioaren antolaketa).
- d) Eskatzaile(ar)en edo ordezkari(ar)en NANaren fotokopia konpultsatua.
- e) ISO 9001 Kalitate kudeaketa, ISO 14001 Ingurumen kudeaketa eta OSHAS prebentzio ziurtagiri homologatua (baldin baditu; lehiaketan baloratzeko).
- f) Berdintasun, euskara edota partaidetza plana egin izana egiaztatzen duen zinpeko adierazpena N eranskineko eredia erabiliz (lehiaketan baloratzeko).

50. Diru-laguntzen zuriketa eta ordainketa:

Diru-laguntza ordainduko da ordainketa bakarrean (%100), diru-laguntza ematea onartu, diruz lagundutako lankidetzaren zuriketa aurkeztu eta ontzat eman ondoren.

Eskabidean adierazitako lankidetzaren egitasmoaren zenbatekoa eta zuriketaren aurkeztutakoa bat ez baldin badatoz, zenbateko txikiena hartuko da kontuan.

Lankidetzaren egitasmoaren zuriketa egiteko honako dokumentuak aurkeztuko dira:

- a) P eranskina.
- b) Memoria teknikoa (Q eranskinaren arabera egina).
- c) Memoria ekonomikoa (H eranskinaren arabera egina).
- d) Gastu hautagarriak zuritzeko dokumentuak:
 - Pertsonal gastuak: egitasmoaren garapenean parte hartu duten hezkuntza zentro(e)tako pertsonen nominak eta TCak eta banketxeko ordainketa-agiriak.
 - Material gastuak: fakturak eta ordainketen (transferentzien egiaztapenak edo gisa berekoak) kopia konpultsatua. Fakturak 2017ko data izango dute. Fakturaren kontzeptuan adieraziko da dena delako lankidetzaren egitasmoaren gastuak direla.



Zuriketa hori aurkeztu beharko da, beranduenera, egitasmoa amaitu eta bi hilabeteko epearen barruan eta, betiere, 2018ko otsailaren 28a baino lehen.

51. artikulua. Gorabeherak jakinarazteko betebeharra.

Onuradunaren betebeharra da diruz lagundutako jardueraren (lankidetzaren egitasmoaren garapena) inguruko gorabeherak Urola Kostako Udal Elkarteari jakinaraztea, gertatu eta berehala, hala nola: diruz lagundutako egitasmoa ez garatzea erabakitzea; egitasmoaren alderdi esanguratsuetan aldaketak egitea eta abar.

52. artikulua. Bateriaezintasunak.

Diru-laguntza lerro honetako diru-laguntzak bateragarriak dira helburu bera duten bestelako diru-laguntzekin, betiere, jasotako diru-laguntza guztiekin gastu hautagarrien zenbatekoaren %100 gainditzen ez bada.